

‘ইবাদাতের অর্থ ও তাৎপর্য

‘ইবাদাত শব্দের আভিধানিক অর্থ হলো:- চূড়ান্ত বিনয়, আনুগত্য ও বশ্যতা।

শারী‘য়াতের পরিভাষায়- প্রকাশ্য কিংবা গোপনীয় যেসব কথা ও কাজ আল্লাহ ﷺ ভালোবাসেন ও পছন্দ করেন, সে সবেবের একটি সামষ্টিক নাম হলো- ‘ইবাদাত।

শারী‘য়াতের পরিভাষায় আল্লাহর ‘ইবাদাত বলতে কি বুঝায়?

রাহুলের (ﷺ) অনুসৃত ও প্রদর্শিত পছানুযায়ী একমাত্র আল্লাহ রাব্বুল ‘আলামীনের সন্তুষ্টি লাভের উদ্দেশ্যে, তাঁর প্রতি শ্রদ্ধাপূর্ণ ভয় ও সর্বোচ্চ ভালোবাসা নিয়ে পূর্ণ বশ্যতা ও আনুগত্য প্রদর্শন পূর্বক তাঁর (আল্লাহর) মহত্বের সম্মুখে অবনত মস্তকে চূড়ান্ত বিনয়ের সাথে, তাঁর নিকট হতে ছাওয়ার লাভের (প্রতিদান লাভের) গভীর আগ্রহ ও সুদৃঢ় আশা নিয়ে, তাঁর (আল্লাহর) পছন্দনীয় কোন কর্ম সম্পাদন করাকে আল্লাহর ‘ইবাদাত বলা হয়।

‘ইবাদাতের মূলনীতি

সকল প্রকার ‘ইবাদাত হলো তাওকীফিয়াহ অর্থাৎ সম্পূর্ণরূপে কোরআন ও ছুন্নাহ্ নির্ভর বিষয়। আল্লাহ ﷺ কিভাবে কি পদ্ধতিতে তাঁর দাসত্ব তথা ‘ইবাদাত করলে সন্তুষ্ট ও খুশি হবেন, তা কেবল কোরআনে কারীম ও রাহুলুল্লাহ ﷺ এর ছুন্নাহ্ মাধ্যম ব্যতীত অন্য কোন উপায়ে জানা কারো পক্ষে সম্ভব নয়। তাই ‘ইবাদাতের ক্ষেত্রে ‘ইবতিদা‘ অর্থাৎ নব-উদ্ভাবন, মনগড়া পন্থা-পদ্ধতি কিংবা মস্তিষ্ক প্রসূত আবিষ্কারের কোন অবকাশ বা স্থান নেই। কেননা কিভাবে কি করলে আল্লাহ ﷺ খুশি ও সন্তুষ্ট হবেন তা মানুষের জানা বা বুঝার কথা নয়। আর এ কারণেই কোরআন ও ছুন্নাহ্ মাধ্যমে আল্লাহ ﷺ তাঁর বান্দাহদেরকে পুঞ্জানুপুঞ্জরূপে জানিয়ে দিয়েছেন কিভাবে কি পদ্ধতিতে তাঁর ‘ইবাদাত তথা দাসত্ব করলে তিনি সন্তুষ্ট হবেন এবং তা গ্রহণ করবেন। তাই কোরআন ও ছুন্নাহ্ একনিষ্ঠ অনুসরণই হলো ‘ইবাদাতের মূলনীতি।

‘ইবাদাত বা ‘আমাল ক্বাবুল হওয়ার শর্তাবলী:-

যে কোন ‘আমাল বা ‘ইবাদাত- যদ্বারা আমরা আল্লাহর সন্তুষ্টি ও নৈকট্য অর্জন করতে চাই, সেই ‘আমাল বা ‘ইবাদাত সঠিক এবং আল্লাহর নিকট গ্রহণযোগ্য হওয়ার জন্যে তিনটি মৌলিক শর্ত রয়েছে, যা একত্রে; একসাথে পূরণ করতে হবে। যদি তন্মধ্যে একটি শর্তও না পাওয়া যায় তাহলে সেই ‘ইবাদাত আল্লাহর (ﷺ) নিকট গ্রহণযোগ্য হবে না এবং তা আল্লাহর (ﷺ) ‘ইবাদাত বলে গণ্য হবে না। শর্তগুলো হলো, যথাক্রমে:-

১) ঈমান। অর্থাৎ ‘ইবাদাতকারীকে আল্লাহর (ﷺ) একত্বে দৃঢ়বিশ্বাসী হতে হবে। কোরআনে কারীমে আল্লাহ ﷺ ইরশাদ করেছেন:-

وَمَنْ يَكْفُرْ بِالْإِيمَانِ فَقَدْ حَبِطَ عَمَلُهُ وَهُوَ فِي الْآخِرَةِ مِنَ الْخَاسِرِينَ.^১

অর্থাৎ- যে ব্যক্তি ঈমানকে অস্বীকার করবে, নিঃসন্দেহে তার সমস্ত ‘আমাল বিনষ্ট হয়ে যাবে এবং পরকালে সে হবে ক্ষতিগ্রস্তদের অন্তর্ভুক্ত।^২

২) ইখলাস তথা বিশুদ্ধ নিয়্যাত বা সংকল্প। অর্থাৎ ‘ইবাদাত করতে হবে একনিষ্ঠভাবে; একমাত্র আল্লাহর সন্তুষ্টি লাভের উদ্দেশ্যে কেবলমাত্র আল্লাহর (ﷻ) জন্যে। এছাড়া অন্য কোন উদ্দেশ্যে বা অন্য কারো জন্যে সামান্য পরিমাণ ‘ইবাদাতও করা যাবে না।

মোটকথা, ‘ইবাদাতকে সম্পূর্ণরূপে সকল প্রকার শির্ক তথা অংশীদারিত্বমুক্ত রাখতে হবে এবং খাঁটি ও একনিষ্ঠভাবে এক আল্লাহর ‘ইবাদাত করতে হবে। আল্লাহ ﷻ ইরশাদ করেছেন:-

وَمَا أُمِرُوا إِلَّا لِيَعْبُدُوا اللَّهَ مُخْلِصِينَ لَهُ الدِّينَ حُنَفَاءَ وَيُقِيمُوا الصَّلَاةَ وَيُؤْتُوا الزَّكَاةَ وَذَلِكَ دِينُ الْقِيَمَةِ.^৩

অর্থাৎ- তাদেরকে এছাড়া কোন নির্দেশ করা হয়নি যে, তারা খাঁটি মনে একনিষ্ঠভাবে আল্লাহর ‘ইবাদাত করবে, সালাত ক্বায়িম করবে ও যাকাত দেবে। এটাই সঠিক ধর্ম।^৪

৩) রাছুলের (ﷺ) ছুন্নাহ অনুসরণ। অর্থাৎ রাছুলুল্লাহ ﷺ যেভাবে ‘ইবাদাত করার নির্দেশ দিয়েছেন কিংবা যেভাবে ‘ইবাদাত করতে শিখিয়েছেন, ঠিক সেভাবেই আল্লাহর ‘ইবাদাত করতে হবে। কেননা ক্বোরআনে কারীমে আল্লাহ ﷻ ইরশাদ করেছেন:-

قُلْ إِنْ كُنْتُمْ تُحِبُّونَ اللَّهَ فَاتَّبِعُونِي -^৫

অর্থাৎ- (হে নাবী) বলুন! যদি তোমরা আল্লাহকে ভালোবাস তবে আমার অনুসরণ করো -।^৬

আল্লাহ ﷻ আরো ইরশাদ করেছেন:-

لَقَدْ كَانَ لَكُمْ فِي رَسُولِ اللَّهِ أُسْوَةٌ حَسَنَةٌ لِمَن كَانَ يَرْجُو اللَّهَ وَالْيَوْمَ الْآخِرَ وَذَكَرَ اللَّهَ كَثِيرًا.^৭

অর্থাৎ- তোমাদের মধ্যে যারা আল্লাহ ও শেষ দিনের আশা রাখে এবং আল্লাহকে বেশি স্মরণ করে, তাদের জন্যে রাছুলুল্লাহর মধ্যে রয়েছে উত্তম আদর্শ।^৮

১. سورة المائدة- ৫

২. ছুরা আল মায়িদাহ- ৫

৩. سورة البينة- ৫

৪. ছুরা আল বায়্যিনাহ- ৫

৫. سورة آل عمران- ৩১

৬. ছুরা আ-লে ‘ইমরান- ৩১

৭. سورة الأحزاب- ২১

কোন অবস্থাতেই রাছুলুল্লাহ ﷺ এর অনুসৃত ও প্রদর্শিত পথ-পন্থা ব্যতীত (রাছুলুল্লাহ ﷺ এর ছুন্নাহ বিরোধী কিংবা ছুন্নাহ বহির্ভূত পথ বা পন্থায়) কোন পথ বা পন্থায় আল্লাহর (ﷻ) 'ইবাদাত করা যাবে না। কেননা রাছুলুল্লাহ ﷺ অত্যন্ত পরিষ্কার ভাষায় বলে গেছেন:-

مَنْ أُحْدِثَ فِي أَمْرِنَا هَذَا مَا لَيْسَ مِنْهُ فَهُوَ رَدٌّ

অর্থ- যে ব্যক্তি আমাদের এ দ্বীনের মধ্যে এমন কিছু নবউদ্ভাবন করবে যা এর অন্তর্ভুক্ত নয়, তাহলে সেটা হবে প্রত্যাখ্যাত।^{১০}

অপর বর্ণনায় রয়েছে, রাছুলুল্লাহ ﷺ বলেছেন:-

مَنْ عَمِلَ عَمَلًا لَيْسَ عَلَيْهِ أَمْرُنَا فَهُوَ رَدٌّ

অর্থ- যে ব্যক্তি এমন কোন কাজ করল যা আমাদের দ্বীনের মধ্যে নেই, তাহলে সেটা হবে প্রত্যাখ্যাত।^{১১} যে কোন 'আমাল তথা 'ইবাদাত আল্লাহর নিকট গ্রহণযোগ্য হওয়ার জন্য উপরোক্ত তিনটি শর্তের কথা (ঈমান থাকতে হবে, ইখলাস থাকতে হবে এবং রাছুল ﷺ এর ছুন্নাহ অনুযায়ী হতে হবে) ছুরা কাহফ এর সর্বশেষ আয়াতে একত্রে বর্ণিত হয়েছে। আল্লাহ ﷻ ইরশাদ করেছেন:-

قُلْ إِنَّمَا أَنَا بَشَرٌ مِّثْلُكُمْ يُوحَىٰ إِلَيَّ أَنَّمَا إِلَهُكُمُ إِلَهُ وَاحِدٌ فَمَنْ كَانَ يَرْجُوا لِقَاءَ رَبِّهِ فَلْيَعْمَلْ عَمَلًا صَالِحًا وَلَا يُشْرِكْ بِعِبَادَةِ رَبِّهِ أَحَدًا ((سورة الكهف- ১১০))

অর্থাৎ- (হে নাবী) বলুন! আমিও তোমাদের মতই একজন মানুষ, আমার প্রতি অহী নাযিল হয় এই মর্মে যে, তোমাদের উপাস্যই একমাত্র উপাস্য। অতএব, যে ব্যক্তি তার পালনকর্তার সাক্ষাত কামনা করে, সে যেন সৎকর্ম করে এবং তার পালনকর্তার 'ইবাদাতে কাউকে অংশীদার না করে।^{১২}

এ আয়াতে আল্লাহ ﷻ তাঁকে এক ও অদ্বিতীয় মেনে নিয়ে (অর্থাৎ তাঁর একত্ববাদে পরিপূর্ণরূপে বিশ্বাসী হয়ে) নেক 'আমাল করার (অর্থাৎ রাছুল ﷺ এর ছুন্নাহ অনুযায়ী 'আমাল করার) এবং 'ইবাদাতে তাঁর সাথে কাউকে অংশীদার না করে একনিষ্ঠভাবে একমাত্র তাঁর (আল্লাহর) 'ইবাদাত করার নির্দেশ দিয়েছেন।

আয়াতে বর্ণিত (সে যেন সৎকর্ম করে) এই বাক্যটি দ্বারা রাছুলুল্লাহ ﷺ এর ছুন্নাহ অনুযায়ী

৮. ছুরা আল আহযাব- ২১

৯. متفق عليه

১০. সাহীহ বুখারী ও সাহীহ মুছলিম

১১. رَوَاهُ مُسْلِمٌ

১২. সাহীহ মুছলিম

১৩. ছুরা আল কাহফ- ১১০

‘আমাল করার কথা বলা হয়েছে। কেননা ‘আমালে সালিহ বা নেক ‘আমাল বলতে রাছুলুল্লাহ ﷺ এর ছন্মাহ অনুযায়ী ‘আমালকেই বুঝায়।

আয়াতে বর্ণিত “وَلَا يُشْرِكْ بِعِبَادَةِ رَبِّهِ أَحَدًا” (এবং তার পালনকর্তার ‘ইবাদাতে কাউকে অংশীদার না করে) এই বাক্যটি দ্বারা পরিপূর্ণ ঈমান ও ইখলাসের কথা বলা হয়েছে।

‘আল্লামা হাফিজ ইবনু কাছীর (রাহিমাহুল্লাহ) এই আয়াতের ব্যাখ্যায় বলেছেন যে, “সমস্ত অহীর সারমর্ম হচ্ছে:- তোমরা একত্ববাদী (ঈমানদার) হয়ে যাও, শির্ক পরিত্যাগ করো, তোমাদের যে কেউ আল্লাহর সাথে সাক্ষাৎ করে বিনিময় ও পুরস্কার পেতে চায়, সে যেন শারী‘য়াত অনুযায়ী (আল্লাহর নির্দেশিত এবং রাছুলুল্লাহ ﷺ এর প্রদর্শিত পন্থানুযায়ী) ‘আমাল করে এবং শির্ক সম্পূর্ণরূপে পরিত্যাগ করে।

শির্ক সম্পূর্ণরূপে পরিত্যাগ করা এবং নেক ‘আমাল করা তথা আল্লাহর নির্দেশিত ও রাছুলুল্লাহ ﷺ এর প্রদর্শিত পন্থানুযায়ী ‘আমাল করা, এ দু’টো মূল ভিত্তি ব্যতীত কোন ‘আমালই আল্লাহর নিকট আদৌ মাক্বূল বা গৃহীত হবে না”। (তাফছীরুল কোরআনিল ‘আযীম লি ইবনে কাছীর)

উপরোক্ত আয়াতের উল্লেখিত এ তাফছীর বিষয়ে সকল হাক্কানী (সত্যিকার) ‘উলামায়ে কিরাম ও মোফাছ্ ছিরীন একমত পোষণ করেছেন।

উল্লেখ্য যে, সর্বপ্রকার শির্ক পরিত্যাগ করা- এটাই হলো ইখলাস বা দ্বীনকে আল্লাহর (ﷻ) জন্যে খাঁটি করার অর্থ। আর যেহেতু শির্কমুক্ত ঈমানই হলো প্রকৃত ঈমান, তাই এখানে ঈমানের কথা আর পৃথকভাবে বলা হয়নি বরং ঈমানদার হয়ে যাওয়া এবং শির্ক পরিত্যাগ করা, এ দু’টোকে একটি ভিত্তি বলে গণনা করা হয়েছে। নতুবা মূলত এখানে তিনটি বিষয় রয়েছে। ঈমান, ইখলাস ও ‘আমালে সালিহ বা রাছুলের (ﷻ) ছন্মাহ অনুসরণ। আর এই তিনটি বিষয়ই হলো আল্লাহর নিকট ‘ইবাদাত কাবুল হওয়ার মূল শর্তাবলী।

সূত্র:

- ১) রিছালাতুল ‘উবুদিয়াহ। শাইখুল ইছলাম ইবনু তাইমিয়াহ
- ২) মুযাক্কিরাহ ফিল ‘আক্বীদাহ। ড. আশ্শাইখ সালিহ ইবনু ছা‘দ আছ্ ছুহাইমী।